

Զինչ հնացե(ա)լ հանդերձ լինի .

Անպիտացեալ և եղեր խոսան ,

Նորընորըն զարգարէ .

Ի՞ յառաջին կերպն ի նման :

Հողին ածէ ձայն մարմնոյն .

Թէ մի ննջեր եհաս հրաման ,

Կրկին առնէ ծանօթութի(ւն) .

Հանց ճանաչէ զինչ ազգական :

Տաղաւար լինի հողին .

Հող մարմնոյն ք(ա)ն զապարան ,

Հ(ա)նդ(ե)րձի պէս ըզգեցուցէ

Վ(ե)ր(այ) քաչէ իբր ըզլրան :

Ոչ ճանաչի արու եւ էդ .

Մ(ա)րզ կատարին երեսնամեան ,

Գոյացուն առնու հողին .

Հող մարմընովըն միանան :

Զինչ որ ունին անցանք ի հողն .

Ծածուկ գործոցն թագստեան ,

Դժարակիր բեռունք լինին .

Ամէն զիւր տեղն ճանաչն տան :

Զերանաւէտ ձայնն որ լսեն .

Արժանաւորք և յետ անարժան ,

Տանի իմեծ հրապարակին .

Անդրէն ուր տան զպատասխան :

Կարկամի ամէն լեզու .

Ճարտարախօսքն յիմարանան ,

Յամօթոյ զէտ մոմ հալին .

Տարէկուսին եւ համրանան :

Ով է տէսեալ այնցեղ պ(ա)ր(ո)ն .

Կամ փատիշահ ու մեծ տիւան ,

Որ գալարին երկինք և երկիր .

Բան զմազազաթի ի ծալլըման : (*)

(-) ԺԶ . դարու վերջերը ապրող տաղասաց սարկաւազ Թոխաթցի իր «Տաղ Հագույ Վերայ Ասացեալ» ի մէջ ունի խիստ նման տող մը «կու գալարին երկինք որպէս մագաղաք» : (Տես իմ ուսումնասիրութիւնս ՀԱՅՐԵՆԻԻ Ամսագիր ,1935 թիւ 11, Էջ 77ա . :)